

محمود الطويل

طَرَحَ الهَوَى

أشعار بالعامية المصرية



طَرَحَ الْهَوَى



الفلاف : حجازى
الرسم الداخلية : حازم بدوى



طَرَح النهوى — الطبعة الأولى ١٩٨٩

دار التديم للصحافة والنشر والتوزيع

عمارات معروف - ب - شقة ٩ - ت : ٧٤٣٨.٦

احبك ..
احبك ..
احبك انا وانتى شمس النهار
بتعمى العيون
واحبك شقيقه
لكين وانتى نار
بتحرق ولا مرّه ممكن تخون
واحبك قويه
كما كلمة الحق رغم السجون

باب زويله

الشمس في حلق السما تطفح لهيب
يلفح وشوش الخلق يعصرها العرق
والأرض تنضح صهد يكوى
والقلق
مَرَقَ حَشَا الواقفين على باب الخليفة ..
والورق
على إمضة الحاكم بأمر البيت
جبان

يضم ..
وباسم الأمريكان
للأمريكان
واحدة الى دايجين من زمان
عن بس أوضه تلمنا
لينا الرصيف
ومادام برضى ينقصوا وزن الرغيف
حتماً يضع منا الرصيف
حتماً يضع ..
.. حتى الرصيف

ابريل ٧٨.

الضريه ف عز الضلمه تخض تشد عروق الكف تصد
ترد الضريه بألف
كنت باقول
أنا كنت باقول وح اقول ما بألف
الحرف السافر كافر زى الجوع
يبعض الزند يقوم
وبألف سلاح مرفوع
لاجل يعم صباح ع الأرض

حيك كان النار
ومكانش البدء
كنا العشق
كنا عزيمة بتبنى الدار
وبضمة كفى لكفك كنا نضم الدنيا الواسعة
كنا اتنين
وبنحلم نحضن مره الشمس الدافيه لكن
من فين الشمس
أنا رغم الموت
شدتى النظره العنف ف ننى عيونك حب عشقتك
وعشقتك أكثر
لما اتفجّر جرّه عروق الدم يفور
وبرعشه يزلزل كل كياني شعور بالنور
أنا وانتى اتنين بنحب
أنا وانتى اتنين بنحب وصعب الحب وأى شاويش

بيخطف كل رغيف العيش
مايترك حتى اللقمه الحاف
وانا وانتى اتين
أنا وانتى الحب الطالع رغم الدين
بنحب
رغم الوقفه على البتارين
نتفرج مش شارين ..
بنحب
حافين جعانين ..
بنحب
بنحب ورغم المكته الدايره الغول ..
بنحب
ياحييتى وكنا اتين
من نفس الصف
أنا كنت باغتى وانتى الحرف
كان الشّعر زناد فى الكف

كنا نحارب للمستقبل واحنا اتين
الكلمه البدء وكنا العشق
كنا بنحرت بور بضوافر
واحنا اتين
مهما يسن الظلم الخافر
مهما نظام الدوله يعافر
برضه اتين
الكلمه البدء
واحنا العشق ومش ح نسافر
كنا نجب بعلو الصوت
ولا كانش بيعرف بيتنا سكوت
ولا همس
أنا وانتى اتين مابنعرف يأس
أو كنا وكان
تتّين الرأسمالية شديد البأس
عمروش يّون



بيحاور مره ومره وثته يزن
وانا وانتى اتين
الكلمه البدء وكنا العشق وكان الحب إرادته تواصل فى المشوار
الإصرار مش سهل
وانشق الليل
الناب مسعوره بتيلع حلم الشمس وتقلع جدر الدار
بصيت فى مكانك مالميتكيش
حسيت بمرار
فى المعدة وطعم هزيمه ف سقف الخلق
حسيت بالعار
قتلوا الضحكه الحب العنف ف ننى عيونك
هزمونى
هزمونى

مايو ٧٨

الأدبـاتـى

أنا الأديب وانتم أذرى
وعاشق الناس والخضره
لا عمرى طبلت ف حضره
ولا قلت حاضر للنصاب
الله الله يابلدى ولا كنا صحاب

خاين ولا حد يجيره
زى الكلاب يلقي مصره
قتيل وفايت لنا غيره
ماشيين وفي نفس السرداب
الله الله يابلدى مخبر ع الباب

سلام مربع للجرائن
فارشين صور تحت العناوين
سينا الى راجعه عريسها غين
وأغلب المعازيم عذاب
الله الله يابلدى والكل كلاب

آدى السلام والا بلاشى
سنا الى مدفع ما فيهاشى
بالأمر جيش ما يروحهاشى
حطوها قفل ورزه وباب
الله الله يابلدى والأرض خراب

مشوا الجيوش مشية وزه
ترقص وعقبال يوم غزه
نشر وحييوا المزه
من أورشلیم فذدق وكباب
الله الله يابلدى والعيشه هباب

يحيا السلام بطل كلاكيع
ممنوع كلام ضد التطيع
علشان مايلحق نفسه بيع
أحلامنا يا حلاوة الأحزاب
الله الله يابلدى شوفوا الكذاب

أصل الحكايه ان بهيه
مدبوحه ويتدفع ديه
يامصر حتميشى مطيه
إذ يحكمك دبورته وكاب
الله الله يابلدى سنوا الأنباب

٣ مايو ٨٢

مرجيحة العشاق

سبتمبر ٨٢

يامشئقه

يامشئقه

مرجيحة العشاق

والملتقى

نزلت كلاب العمده تنهش كل حى

يا سعة الحكام

من شق « زهران » لما « خالد » والى جى

بيخفقوا الأحلام

دبحوا الأمل فى أرضنا

دبحوا النهار

شيلنا الغناوى ف صدرنا

والإنتظار

تحكى الحبال عشق الرجال في موطنى
وتزوق المكتوب
جوه الزنازن بالدماء وتدلى
وتعلم المحبوب
الحبل ما يخونش الرفيق
وأدى الولاد
مدوا الخطاوى ع الطريق
لأجل الميعاد

العسكري والليل وظباط الحرس
بيتمموا الزنازين
من رعيهم فارضين على السجن الحرس
لكننا الملائين
رفعوا الجبين طال السما
ضموا الجراح
رغم المظالم والعمى
طالع صباح

المجموعة : برجالاتو برجالاتو
غَنُوا الكلمة في وداناتو

إكبر	المجموعة:	إكبر ياواد	المنشد :
إسمع		واسمع ياواد	
إفهم		وافهم ياواد	
إغضب		واغضب ياواد	

المنشد : الظلم مهما استعفى ع الخالق ضعيف
والشعب رغم الصبر ع الأندال عيف
يابدر فى زفة سبوعك مستحى
من صبر ناسك ع الشقا لاجل الرغبة

لا تمشى مع الى خانوك
ولا تنصر على همك
ولا تغفل عن الى باعوك
ولا تساوم على دمك


المجموعة : يارب يا ربنا
يكبر ويبقى قدنا
وان داق مرارة ملحنا
يخلف مايقى زينا

المنشد :

ياملح بيتنا
مبقاش حيلتنا
كل الحوارى
خايين خيبتنا

ياملح دارنا
كبر صغارنا
كل الحوارى
شارين مرارنا

ياملح رشه
الخلق طرشه
والا الحوارى
خافه وكشه



الجموعه : يارب ياربنا
يكبر ويبقى قدنا
وان داق مرارة ملحنا
يخلف ما يبقى زيننا

الجموعه	المشهد
إلى جاى	كرسى قطيفه
الى جاى	للتشريفه
الى جاى	إوعى الكاكي
الى جاى	آبو سناكى
الى جاى	وابو برنيطه
الى جاى	صبدغ الحيطه
الى جاى	ياكل قوتك
الى جاى	موته ياموتك

المنشد : إيه الجديد من ألف عام
ياموطنى إيه الجديد
الجرح نازف ع الدوام
ياموطنى واحنا عيىد
صحارى الفقر
والمنسر
وذل القهر
والعسكر
وقصر الوالى سور على
يسوجر بابه قفل حديد

المنشد الجمعة

اللهم	اللهم
اللهم	اللهم
اللهم	لَمَّوا الله
اللهم	زَيِّحُوا الغم
اللهم	هَمَّ هَمَّ
اللهم	وَاحِنَا الاله
اللهم	إِحْنَا الاله
	إِحْنَا الاله

يوليو ٨٣

عصفور الجنة

عصفور الجنة وقف ع الباب
زقزق ينادى على الأحباب
ملقش في الدار
خد بعضه وطار
من بعد ما حَبَّ على الاعتاب

أيا دار وانا كان لي فيكي وليف
تصبح وياه اللقمه رغيف
كان منى وكان
ولا فات عنوان
دوقى الرد ف عز الصيف

بأمانه يا بحر تسمى عليه
دا غزال البر ياعيني عليه
كان لسته صغار
والموج غدار
ييدور بالدفه ويلعب يه


٦ سبتمبر ٨٣

المجد للحكام

مين خاف سيلم ويعيش ذليل ولا فيش دليل إقفل
على نفسك بيبانك طول ما يطغى الليل ونام
النيل ييجرى وانت متشقق لسانك ملتهب خايف
تقد الكف تشرب أو تهز الشفه تنطق بالكلام

وتلم قهرك تمضغه ترقد بجوعك فوق تراب الأرض
لا يد متساوئش
العسكرى تركب دماغك جزمته والأمر بائدين الشاؤش
ومن البءاءه للبءاءه للءءام
طوى لءارك لقمته
والءء للءءام

٢٦ فراءر ٨٤



يحيى الأمير

إخلفى المواعيد — عوايدك —
وامنعى
لا بد يوم وحتطلى
زى انفجار الشمس بالصبح الأكيد
زى الوليد
طالع بتجرح ضحكته الليل البليد
ليل العبيد

وانا وانتى مين ؟
أنا وانتى شوق حابر سنين
مايلتقيش
منذ الأزل
وانا لم أزل باحلم بيوم
واصحى على كف-الشاويش
لكنى باحلم باللقا
لما العيون السود تجود
تملا الوجود
من فرحتى ...
أفرد جناح الشوق بشوق
ياشوق وباحاول أطر
يردنى الخوف الى ساكن جتنى
أزغى وفليحيا الأمير
يحيا الأمير

١٣ أغسطس ٨٤

شاعر

أمد الخطوه ع السكه الى ماتوديش
وانا ماشى
تاخذنى الكلمه ف جناحها ولا تحيينيش
أبيع الهدمه ولخافى
واسير حافى
تلال عمرى على كتافى
وبرضه مافيش

٧ سبتمبر ٨٤

عروس الجنوب

١ - لأن الوطن وردّه في شعر بنتي
وحلمي بينتي لأرضي ابتداء
أحل الضفاير .. وداعاً يا نيتي
ناداني الوطن للغنا والفداء



٢ - « أنا الشهيد »

والملم حروف الهجاء البليده

واحاول قصيده

تضيع الخيول بالخمول والمعاني

يجف القلم وحده وافضل أعاني

تاخذني الخطاوى ألف الدروب

لضحكة شفايف عروس الجنوب

« سناء » اللي من وقت كانت وليده

وكانت صبيه

وكانت شقيه

وكانت عنيده

بتجدل خيوط النهار مركبه

تسافر على أرضنا الطيبه

وترحل شهيده

٣ — توبك الديناميت

حياتك مدفعك

لاشيء سواه راح ينفعك

امرك صعب ..

وييدفعك

— وانت الى دمك مستباح —

تطوى القدم

منقى على حدود الجراح

ماترجعك

وتعيش غريب

وتقوت غريب

والموت كما حضن الحبيب ..

ماطوش حدود

يا هلترى الجرح الى ف جيتك بينزف ..

... م العرب ؟! ..

.. والا اليهود ؟!

يونيو ٨٥

مَنُونَه

.....
واغنى
للورود
ولكل نتي
يخصن المولود
لو انا
لست باحلم بالولاد
فرحه بتهز الفؤاد

والعيون السود
تمتّى
كلمتين ..
عنك وعنى
لما حنضم الوجود
واستريح ع الهود
إهمسى إسمى
نادينى
بين شفايفك حتلاقينى
منتظر من الف عام
زققينى بالكلام
قلبي شجره وجوز عمام
حط فيها وابتنى عشه الصُّغِيرَ
واما يحل الضلام
بافتكر طعم القصيد

في الشدايد
والغرام
رثلي الأشعار ليلاق
لسعة الأنوار
وهاتي
حرف له طعم البارود
واسمعي ..
كنت باحلم والجنود
كانوا علم الحلم
وانتي
صرخة المولود
ونيتي
وانتي بنتي
دنيتي
حي الأکید

الى خاف الجلادين
منه ومن دم الشهيد
خط فاصل ع الحدود
شكل الوجود
الى باعوه واليهود
دبوا تحت السر منّا
حتى أصبح موتنا منه
صدقيني
أحضنك أو تحضيني
.....
همّ يينا

أول أكتوبر ٨٥

أضمك وجرى ينزف قبل
برغم الى خانوا
ورغم الى هانوا
ورغم الى كانوا في غاية الخجل
أضمك وحتماً يدور العجل
في كل الأراضى الى لحضره وحبل
مادام لسه باغزل حروف الغزل
وبانسج غرامى
قصيده وكلامى
ينقش أسامى في حجم الدبل

خصيمك نينا في يوم الحساب
إذا ما التقيتي بهذا الكتاب
ولم تعشقى
ولم تبداى
ولم تلحقى حتى لو بالحجارة
ونركب قفاهم في شارع وحاره
في أرض المطار
ما بين الأنهار
وجوه الديار أو ف مبنى السفاره

وآخر كلامي أيا مُهْجَتِي
أمانه ما يمشي ورا جتِي
سوا المتهمين في الوطن تهمتي

فداكي الدما ياللي شاغله الخواطر
بطول الزمان

سليمان بن خاطر
٣١ ديسمبر ١٩٨٥

إفتحى حضنك لى
ياللى أحزانك ف دى
وأفهمنى
ياللى غاويه تبديلنى
الكلام مبقاش كفايه
إفتحى الكفين معايا
واغزلى نور الصباح
إمسحى ضل الكآبه - بابتسامتك - والجراح
عن ضلوعى

وارفعى صارى قلوبى
للرياح
مركبى والموج مسافر
والعيون
شوق ومش باين له آخر
بحّة الأزغول وصوق
بعد ما طوّل سكوتى
رقصوا حروف الكلام
والكلام
إستمك الى ع الدوام
كان دوايا
يامنايا

إيه بقى من كل أحلامنا القديمه ؟؟

٢٩ أبريل ٨٦



وفتحت الشيش
للضي الهارب من أحزان الليل يتسحب ع الشباك
بشويش
ويشد وراه أنغام الفجر بدون تشويش
عصافير بتزفرق ع الأغصان تقوللي مافيش
الدنيا بنورها وأشواقها
بتغازل ف اللي ييسقها
وانا لسه — عجوز —
باتعلم فك الخط وإن الدنيا براح
لو فيها اتين

غنى للقمر

إطلعى من بين جروحي في الليالى السود
وغنى للقمر يمكن بيان
يرتدى بالنور علينا و ع المكان
يطرح البستان فرح
يرجع القلب الى عجز من زمان
— قلبى الى ميت مره انجرح —
فرحان

اكتوبر ٨٦

الفجر نَقَر على بابك
ورسم لى وردة على كتابك
وبوره حَب على اعتابك
وبورك اتوضى وغنى

أنا عمرى من عمرك وآلا
عمرى اللى من قبلك ولّى
ف عرووق بحر النيل ولّى
أسمى حكم .. والله فتنا

وقلبي طير ملهوف ع الحب
الغره يلقطها مع الحب
قمحايه في السلم .. وفي الحرب
نيران .. وكان دمنا حنه

يا ماشيه تتخاطري بـ «خاطر» ك
و«سعد» ك الى سبق خاطرك
حرفين بيتغزلو ف خاطرك
المغرمين عطر الجنه

مررت على ترابهم حسيت
في القلب شجره وصل وبيت
أدمعت وضحكت وغنيت
طرح الهوى ملا بستائنا

١٨ يونيو ٨٧

عيونك حلم تايه عني تفسيره
شجر صفصاف
عجوز هجت عصافيره
عشوش ضاعت زغاليها
وكان القمري بيرتل مواويلها



يا عيني يا ليلي ويرقص نخوم ليلها
وموج نيلها الى خير الدنيا من خيره
جرفها الدم دوامه
وجنيه
تحل شعورها وتنادى
يدور الصوت على الوادى ...
يفز اليوم
خراب فارد جناحاته

يونيه ٨٧

سلام یا صاحبی
(إلی ابراهیم الكرداوی)

دا كان بدری
یا طَرح العمر یا نضری
وراکب سکتک علی فین
«وداد» لک زهره برعمها مافتحتی وکله حنین
یطول الشمس فی ضلک ویتباهی
«حسام» لک لما بتفتی بحب الناس
عشقناها
رسمنا حلمنا الأكبر



gio

وكان الحلم — دنيئا — عروسه مزوّقه الفستان

حنان

والطرحه هليله من الألوان

طرحاها

[تعالو أيّها الفقراء

ليأخذ كلّكم منها بما يهوى

ويعطيها بما قد شاء

تعالوا فرّحتي معكم]

خضار الأرض والمرّوى

قبل مشتاق

مايخونشي

.....

لكن الداء

أوائل أكتوبر ٨٧

دواير الحبال

ألملم الوطن الى تاه
وفرّع المسا أساه
على مداخل البيوت
ينز في سكوت
مرارة اغترابه في الدروب
صلافة الطغاه
مهانة الشعوب
تدلى عؤوته على مفارق الطريق
وتفتح المزاد

وتدخل من بين جروحي والنزيف
تنامي ع الرصيف
وتجدلى صفائك الطوال
وتتشرى همك وهمى — عمرنا —
جوع العيال
يا قلبك الضعيف
يبتفض يرج قدك النحيف
عيونك القتيله فى انتباه
تودع الحياه
بتحلم بالرغيف

أمددك واسبل العيون
والملم الجرايد تحضنك عن العيون
يشب عيلن ويجروا بالعيون
يحاولوا يشتهجوا ينطقوا الكلام



[شرحه من لحم الشهيد مُعلَّبة
عصائر الأجنّة في قزاير مُذهّبة
مدامع الأراذل الحوامل المُحبّية]
مذلة السقوط
بكافة الشروط الأمريكيّ بالرايات المُتريّة

نوفمبر ٨٧

تراتیـل

البدْر والّا السما
والّا انتی متبسّمه
یاقاتله احبابک

أنا قلبي كان بستان
طرّح الشجر ألحان
ضلل على بابك

علقت في الموال
وردائه مال بدلال
حببت على اعتابك

خدني الى كان مكتوب
تاينه معاه مجذوب
ونعمت في رحابك

شفت اللي متخبي
ساكن حنان قلبي
تلميذ في كتابك

ديسمبر ٨٧

أخضر زغاليل

أخضر زغاليل
أخضر زغاليل

الشمس
زى التّوار
مافيهوش أسرار
وانا عندي دليل
أخضر زغاليل

والقلب منال
رنّة مـوال
على قد الحال
والعشق سـيـل
أخضر زغاليـل

قلـبين والـعين
ضمت لـاتـنين
بين صـبح وبيـن
عصرهـ وليـل
أخضر زغاليـل



حَقِّقْ وَلِيَّ يَارِيت
وَكَلِّمْ حَوَادِيت
تَعَا نَبِيَّ الْبَيْتِ
فَمَلَاهُ زَغَالِيْلَ
يَا خَضِرَ زَغَالِيْلَ

اوائل يناير ٨٨

ياالله يابابا

ويابابا ليه بتضريني
وكأنك بتأدبيني
أحوالك بتغلبيني
وتركب عقلى جان

مش كنت زمان بتقوللى
ع الصهيونى الى تملى
ينزل ع الأرض يخلى
الزراع اصفر دبلان

دلوقت بقاله سفاره
ويتمشى بكل قداره
إدينى يابابا أماره
على إنك مش غلطان

بتقوللى إعمل واجبك
وانت الى مضيع حقك
إن كنت عايزنى أحبك
ياالله اضرب فى المليون

فبراير ٨٨

بالحجارة

بالحجارة
نرسم الفجر الى طالع من بعيد
زى عيد
للى أجسامهم نشيد
ألف ورده تبسم له وتستعيد
ألف إيد
صورة الوطن الشهيد




بالحجاره
ألف طفل هناك يعلمنا الجساره
نزرع الديناميت هنا
تطرح النار الى قياده ف صدرنا
— والشعوب هي الأماره —
تقلع النجمه الشيطاني
والعلم
وتدك أركان السفاره

مارس ٨٨

عشاق الحياه

الحرس ..
داير دواير في الوطن يحاصر الفجر العنيد
دا مش جديد
والحرس ..
ينزل على الخاليق ستاير من حديد
دا مش جديد
والحرس ..
بيدق مع صوت الأذان حزنان شريد
دا مش جديد
لكنى بالبح في البعيد
ضحكة وليد

(في تل اييب
عُقِدَت محكمة لاثنيين من الضباط
قاموا
بدفن الطفل العربي - القاذف بجارته في
وجه الصهيونية - حياً
والحكم ..
براءة)



الفاتحة لأصغر نبي
لا كان جبان
ولا مره خان
ولا عمره طاطى لأجنى
ولا هوش غى
إبنى الى طاطاله القمر
وضاه
يفرش طريقه ضياه
يغسل بأنواره الحجر
وينادى عشاق الحياه
الله
ع الخلق فى اللحظه الخطر

(فى القاهرة
تم القبضُ على التنظيم
سنعيدُ صلاة العيد ونشكرُ
أحفادَ يهوذا من الموساد ونشكرُ
السى آى إيه
ونواصلُ شتقَ الوطنيين)

١٨ أبريل ٨٨

ضحكة عيونك وطن

ضحكة عيونك وطن
للى الوطن منفاه
بعد ان ماشاب الزمن
عدى الريع أحياء

باحلم بلحظة هنا
والآ حنان القلب
رفرف على حينا
خضر جناين حُب

عدى الريح فرحان
طاير على الشبابيك
زوّق لك الفستان
وضرب لنا مزاريك

عدى زهور طارحه
قرب لنا المواعيد
أغزل لك الطرحه
وارقص لاني سعيد

طاير على سكتك
والآ رماني الهوى
ترميني بمحبتك
السهم صابنا سوا

٥ يوليو ٨٨

ياخذني الليل ويريني
لوج البحر يوريني
مواكب فرح مش ليا
ولا للناس
مراكب دايره بالحراس
ملاليه

وفيا الوالى وسيف المشاغليه
بتقطر دما المسفوح
وع الشطين
جنازيرهم دقون هايجه
تريح النور مين ماتروح
وانا وانتى بتقابل
هنا مره هناك مره
نداوى عمرنا المجروح
مافكرناش نضيع بره
ولا نساوم
على أرض الوطن بالروح

أنا وانتى نغم طائر على الوادى
صباح نادى
لأطفالنا الى بتنادى

بلادى
بلادى
بلادى
وتتأيل مع الموال
وتتلفت عيين وشمال
مافيش ..
الحلق كلُّها المال

تعالى يالى مش من أهل مانشيتات جرايدهم
نصون الود من عينهم
ومن ايدهم
لا كان عيدهم ييفرحنا
ولا لبنا
ولا يوافق خطاوتنا

أنا وانتى لقا منشود
برغم المسلخ المرصود
لأزهارنا
لا صورة ندل فى دارنا
ولا بعنا قمر ليهود
بلادى إنما غُربه
بلادى ..
بس إمتى نعود

٢ أغسطس ٨٨



الريح بتصفر ف ودانى ..
وضجيج ..
وغبار
يخطفنى دوار
أرتقى على أول قهوة نادانى الكرى الفاضى على بابها
على فىن وازاى
والزمن الجاى
أبأى
دا السجن — برغم الغول جواه —
مغسول بالنور
وترايه — على رغم السور —
مستكه وبخور
مبقاش إله
وجميع ما عداه
فى بلادى ينطق بالعبرى

١٢ أغسطس ٨٨

تعالى نغنى

تعالى نغنى
لبكره سوا
من بعد التنى
جمعا الهوى

توضعا المولى
تسكنا الأغاني
وحام البناني
طائر في هوا
تعالى نغنى
لبكره سوا

عصفور الجنيه
يصبح علينا
تقابل عينا
بين جرح ودوا
تعالى نغني
لبكره سوا

الشموسه طآله
بالفرحه الى هآله
عطشان قلبي، والله
بالحب ارتوى
تعالى نغني
لبكره سوا

سبتمبر ٨٨

إحلمى بالشمس

احلمى بالشمس بكره نور تدور
ع البيوت تغسل قلوبنا ، والزهور
ترسم البستان أمل
ياغرامى الى اكتمل .
والكلام الى بيرقص فى عينينا
لما يسرى جوه فى قلب المدينه
تنهض الناس الحزينه
والغرام ..
مرسى وسفينه


الطريق تايه سنين والكلمه دايره
ع القلوب المغرمين بالحق دايره
هاق ايديك في ايديا
نبنى دنيتنا الى جايه
بيت صُغُر تفرشه القمره المضيئه
ألف نونو طالعه في الغنوه الرقيقه
لسه في السن البرئه
مفطومين ..
على الحقيقه

١٠ أكتوبر ٨٨

المشهد الأخير

دَلَى ستائر عمتك وافرش ياليل
من غير قمر
سقط القليل الى انغدر
من غير نواح
من غير كفن
زى الصباح الى اندفن
جوه العيون الخوانين

« ستار » ٢٦ أكتوبر ١٩٨٨



إحنا الخيال
(إليها .. وعبد الكريم)

أحذف عليك همي
وتشيل عذابي سنين
تلقاني وتسمي
وترد عني العين

فايت على كرمي
راح البيت يهمي
من لونه كان دمي
والبدر والرياحين

مهما بتغرّب
فى البعد بتقرّب
إحنا الخيال واغرب
م العقل والمجانين

عابوا الوفا فينا
دالى مدفيننا
والبحر والمينا
والصارى والشطين

أحذف عليك همى
وتشيل عذائى سنين
تلقائى وتسمّى
وترد عنى العين

٤ ديسمبر ١٩٨٨

الفهرس

٥٤	الكابوس	٧	باب زويله
٥٦	سلام يا صاحبي	٩	الفرجه
٥٩	دواير الخيال	١٥	الأدياني
٦٢	نراتيل	١٩	مرجحة العشاق
٦٤	أنحضر زغليل	٢١	السوع
٦٨	يا الله يا بابا	٢٨	عصفور الحنه
٧٠	بالخجاره	٣٠	المجد للحكام
٧٢	عشاق الحياه	٣٣	يحيى الأمير
٧٧	ضحكة عينك وطن	٣٥	شاعر
٧٩	لُقا منشود	٣٦	عروس الجنوب
٨٣	عُربه	٤٠	حنونه
٨٦	تعالى نعتي	٤٤	وصيه
٨٨	إحلمى بالشمس	٤٧	أحلامنا القديه
٩٠	المشهد الأخير	٥٠	حنين
٩٢	إحنا الخيال	٥١	غنى للقمير
		٥٢	طُرح الهوى

محمود الطويل

- ١ - لآلد مصر يكون لها رمز وعلم - بيروت ١٩٧٨
- ٢ - مصر ياوطنى (طبعة محدودة) ١٩٧٩
- ٣ - عيونك سكة الفقرا - الثقافة الوطنية ١٩٨٤

رقم اليداع: ٢٤٢٦ / ١٩٨٩

مطبعة الخروبة ٢٤٦٤٢٥٥